

तासामे॒तदे॒व पि॒यं ना॒म* । यद् घृ॒ताची॒ति । यद् घृ॒ता-
 ची॒त्याह । पि॒येणै॒वैना॒ नाम्ना॒ साद॑यति । ए॒ता अ॒सद-
 न्त॑सुकृ॒तस्य॑ लो॒क इ॒त्याह । स॒त्यं वै सु॑कृ॒तस्य॑ लो॒कः । स॒त्य
 ए॒वैनाः॑ सु॒कृ॒तस्य॑ लो॒के सा॑दयति ॥ ता वि॒ष्णो पा॒ही-
 त्या॑ह । य॒ज्ञो वै वि॒ष्णुः । य॒ज्ञस्य॑ धृ॒त्यै । पा॒हि य॒ज्ञं पा॒हि
 य॒ज्ञप॑तिं पा॒हि मां य॒ज्ञनि॑यमि॒त्याह । य॒ज्ञाय॑ यज॒मा-
 ना॒यात्म॑ने । तेभ्य॑ ए॒वाशि॒षमा॒शास्ते॑ ना॒र्त्त्यै ॥ ११ ॥

स्वे॒त्याह पृथि॒वी वेदि॒र्यन्ति॑ कि॒यते॒ विष्णु॑र्वी॒र्यस-
 म्मितं॑ करो॒त्याह पा॒ति ना॒मेत्या॑ह लो॒के सा॑दयति षट्
 च ॥ अनु० ६ ॥

सप्तमोऽनुवाकः ।

अ॒ग्निना॒ वै हो॒त्रा । दे॒वा असु॑रान॒भ्यभ॑वन् । अ॒ग्नये॑
 स॒मि॒ध्यमा॑ना॒यानु॑ब्रूही॒त्याह आ॒तृव्या॑भिभू॒त्यै । एक-
 विं॒शति॑मि॒धदा॒रूणि॑ भवन्ति । एक॒विं॒शो वै पु॑रुषः ।
 पु॒रुष॑स्या॒त्यै । पञ्च॑द॒शेध॑दा॒रूण्य॒भ्याद॑धाति । पञ्च॑द॒श
 वा अ॒र्द्धमा॑सस्य॒ रात्रि॑यः । अ॒र्द्धमा॑स॒शः सं॑वत्सर आ-
 प्य॑ते । त्रीन् परि॒धीन् परि॑दधाति ॥ १ ॥

ऊ॒र्द्धे स॒मि॒धावा॑दधाति । अ॒नूया॑जेभ्यः स॒मि॒धम-

* धामेति D पुस्तकपाठः ।